

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-29217/25
Sarajevo, 27.2.2026. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj: 02/12-04-21075/24 od 23.08.2024. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu javne nabavke – Rekonstrukcija prostora unutar sportske dvorane "Ramiz Salčin"

I

Ugovor u postupku javne nabavke - Rekonstrukcija prostora unutar sportske dvorane "Ramiz Salčin", broj obavještenja 422-1-3-6-3-6/26, objavljeno na Portalu javnih nabavki BiH dana 05.1.2026.godine i u "Službenom glasniku BiH"– Oglasnik javne nabavke broj 1/26 od 09.01.2026. godine, dodjeljuje se ponuđaču "Centar-Han" d.o.o. Sarajevo sa ponuđenom cijenom za ugovor u iznosu od 153.684,10 KM bez PDV-a, odnosno 179.810,40 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz tačke I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-29217/25 od 30.12.2025. godine Općina Novi Grad Sarajevo pokrenula je otvoreni postupak javne nabavke – Rekonstrukcija prostora unutar sportske dvorane "Ramiz Salčin", broj obavještenja 422-1-3-6-3-6/26, objavljeno na Portalu javnih nabavki BiH dana 05.1.2026.godine i u "Službenom glasniku BiH"– Oglasnik javne nabavke broj 1/26 od 09.01.2026. godine. Procijenjena vrijednost za predmetnu nabavku iznosi 153.846,15 KM bez PDV-a, odnosno 180.000,00 KM sa PDV-om.

Zapisnikom o otvaranju ponuda od 28.1.2026. godine Komisija je konstatovala da su u predviđenom roku, u propisno upakovanim kovertama pristigle tri (3) ponuda ponuđača:

1. „Kolinvest“ d.o.o. Sarajevo sa ponuđenom cijenom za ugovor u iznosu od 153.787,89 KM bez PDV-a,
2. "Centar-Han" d.o.o. Sarajevo sa ponuđenom cijenom za ugovor u iznosu od 153.684,10 KM bez PDV-a,

2. grupa ponuđača „Harysco” d.o.o. Sarajevo i „Eko-Teh” d.o.o. Sarajevo sa ponuđenom cijenom za ugovor u iznosu od 153.559,98 KM bez PDV-a.

Zapisnik sa otvaranja ponuda dostavljen je ponuđačima na fax/e-mail u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku. Komisija je konstatovala da ponuda grupe ponuđača „Harysco” d.o.o. Sarajevo i „Eko-Teh” d.o.o. Sarajevo ne ispunjava uslov iz tačke 3.6.2. tenderske dokumentacije – *„Ponuđač je dužan uz ponudu dostaviti i posebnu pisanu izjavu ovjerenu kod nadležnog organa da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci. Izjava je data u prilogu tenderskoj dokumentaciji - Aneks 6.”* Uvidom u dostavljenu ponudu grupe ponuđača konstatovano je da je na stranici 31. ponude dostavljena pismena izjava iz člana 52. Zakona o javnim nabavkama ovlaštenog lica lidera grupe ponuđača „Harysco” d.o.o. Sarajevo ovjerena kod nadležnog organa, ali u ponudi nije dostavljena Izjava -Aneks 6 člana grupe ponuđača „Eko-Teh” d.o.o. Sarajevo. Navedeno nije u skladu sa članom 52. stav (10) Zakona o javnim nabavkama koji propisuje: „Svaki kandidat/ponuđač dužan je da uz ponudu dostavi i posebnu pisanu izjavu ovjerenu kod nadležnog organa da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci.” Shodno navedenom jasno je da navedenu izjavu treba dostaviti svaki član grupe ponuđača, a posebno imajući u vidu sadržaj izjave kojim se u postupku javne nabavke nastoji preventivno obezbijediti da se izbjegne sukob interesa i korupcija.

Iz naprijed navedenih razloga utvrđeno je da je ponuda grupe ponuđača „Harysco” d.o.o. Sarajevo i „Eko-Teh” d.o.o. Sarajevo ne ispunjava uslove tražene u tenderskoj dokumentaciji iz tačke 3.6.2. – sukob interesa, te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno konstatovano je da je ponuda nepravilna.

Komisija je utvrdila da ponude ponuđača „Kolinvest“ d.o.o. Sarajevo i "Centar-Han" d.o.o. Sarajevo ispunjavaju kvalifikacione i formalno pravne uslove tražene u tenderskoj dokumentaciji. Komisija je izvršila računsku kontrolu ponuda, te utvrdila da su ponude računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. "Centar-Han" d.o.o. Sarajevo sa ponuđenom cijenom za ugovor u iznosu od 153.684,10 KM bez PDV-a, 2. „Kolinvest“ d.o.o. Sarajevo sa ponuđenom cijenom za ugovor u iznosu od 153.787,89 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 80/23) zakazano održavanje e-aukcije na Portalu javnih nabavki BiH za dan 26.2.2026. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-6/26 od 26.2.2026. godine, Komisija je utvrdila da nije bilo podnošenja ponuda, te da konačna rang lista izgleda kako slijedi:

1. "Centar-Han" d.o.o. Sarajevo sa ponuđenom cijenom za ugovor u iznosu od 153.684,10 KM bez PDV-a,
2. „Kolinvest“ d.o.o. Sarajevo sa ponuđenom cijenom za ugovor u iznosu od 153.787,89 KM bez PDV-a.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova

